

docstiver 文川网
古籍书城
入驻商家
在文川网搜索古籍书城 获取更多电子书

中國方志叢書·華中地方·第一九三號

據

清·潘紹詒修·周榮椿纂
光緒三年刊本

影印

浙江省

處州府志

(一)

成文出版社有限公司印行



10101816

1229
145
1930

中國方志叢書·華中地方·第一九三號


據

清·潘紹詒修，周榮椿纂
光緒三年刊本

影印

浙江省

處州府志



成文出版社有限公司印行

5199/14

629
2819
1931



10101528

中華民國六十三年十二月臺一版

處州府志

全二冊

發行人：黃成助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

處州府志

光緒三年歲次
丁丑仲夏開雕

重修處州府志序

自班氏易八書為志而後世郡縣記事之書亦謂之志猶古侯國之史也顏作史難作志未嘗不難而括州之志則修與作俱難蓋山陬僻壤家鮮藏書則考據

卷首序

一

難也代遠年湮復經變亂則補綴難也地瘠民貧人皆食力則集賢難也至舊志自宋迄明或剝或修不下十餘家又皆散佚無存今唯雍正間前守曹炳庵先生手編二十卷尚有全書

而其中粗率瑣冗體制未精引

援失實不免有訾謗委重加釐

訂殊費躊躇則又一難也不然

百四十餘年來豈無賢吏留心

著述有志表彰起而任其責者

何竟聽其波靡莫與修明大拯

卷首序

二

存其難慎之思不覺遷延以至於今也洎近歲疊遭兵燹已失者不可復得而僅存者亦漸即銷亡繼此不修勢必子焉終敝典守者詎能謝其過乎余下車之始諮諏輿論披覽舊書心

竊嘆焉不敢存畏難之見惕然
自勉遂與十邑諸令長謀將縣
乘之宜輯者先纂之費用之待
籌者酌捐之頃文獻之無徵者
則取之舊藏以備參考訪之耆
老以資抉擇如是者六年而

卷首序

三

前所謂難者已稍就緒矣然
猶慮秉筆者之難其人也適友
人以宜興潘君宅仁薦即聘請
焉方設局程功纂葺山川水利次
及建置乃屬稿未竟復以應鄉
闈去不返創始之際忽焉中阻

天下成事之難類如是乎因思
遂昌校官周君榮椿余舊友也
向同捧檄申江知其糊名法長
吏治及改官遂昌而余亦奉

命來守郡往還較密相與譚古今
人物持論得平益歎其學問淵

卷首序

四

粹根抵槃深也速之來郡為總
其成周君欣然任事發凡起例
點竄篇章併裁子目取潘君所
脫稿復加審定其舊志中余間
有指摘者周君皆一一訂正竇獲
我心且艾其繁蕪糾其舛謬絕

其攀援補其闕漏每一裁篇往返商榷與余意見悉合計三易稿而本定十閱月而書成其為愉快何如哉余不敏何敢遽云一郡信史唯百餘年留貽掌故修葺綦難幸得周君竭慮殫

卷首序

五

心兼綜條貫尅期以告成功益信凡事得人而理始事難而成事易者六類如是也爰識于顛末於簡端時

光緒三年歲次丁丑仲冬 穀旦

鹽運使銜知慶州府事卓異

候陞元和潘紹詒撰



卷首序

六

雍正舊志序

曹掄彬

郡邑之有志不徒藉以考疆域之廣隘山川之名勝與夫鴻文巨筆載於篋冊者足以供學士之流連諷詠誇多圖靡也蓋語形勢或昔險而今平則守禦因之知緩急稽戶口或始衰而近盛則政治由之考得失且忠孝節烈時不乏人後人將於是觀感焉而物產地宜又因時變易則亦資守土者之區畫也故有志而歷數十餘年不加纂輯者與無志等枯蒼舊志今皆鮮存其可見者惟何鏗之彙紀彙志淑之續編及朱太守葵之郡志三書而已亦皆斷殘竊闕不為完備

處州府志

卷首 曹序

本朝劉觀察在國僅一續焉論者以不及見宋之圖經枯蒼志為憾余謂舊志之散軼固好古者所繫思也然山川之明秀如故往哲之風流可考雖城非故址地改繁華按其籍猶可一一而逆求之獨是形勢之險夷戶口之盛衰以及物產地宜不能不因時有異閱數十載後猶執故籍而問之不特目前之殫智力以經營者不可得而見即後之人且將無所資以為宜民善俗之治可不深長思乎枯郡羣山疊峙界於閩越土著與異籍錯雜兵防其最急者昔惟郡置協各邑屯一二十戍卒而已是以烽烟數起控制維艱至康熙庚寅制府請於

朝始移甌平陽鎮於郡城而龍泉與遂昌皆設重兵以為臂指之應凡昔時險要之區今已為坦途此形勢之不可不紀也

國初山寇未靖氣有水患田蕪不治十邑皆然荷聖祖仁皇帝六十一年煦育之恩今

天子治益求治志切民瘼枯蒼雖東浙最僻境民生日繁山塢澤畔幾無不耕之士其戶口之繁庶土田之廣闡執舊冊以求之不適見其誣歟往哲以忠節為重昔人卓卓可紀者固已登之冊然不皆懸旌門之典猶是鄉之私評耳今

處州府志

卷首 曹序

天子命郡邑設忠孝節義祠俾山陬僻壤行誼足為世所矜式者咸得入主於祠自康熙庚午以後已難縷指顧可使其邀

國家之崇祀而不見於故里之紀載乎鑛鐵惟枯最良而雲和松陽遂昌三邑為夥顧松雲冶鐵皆在羣山之中距民地遠甚故有利無患遂邑山切近民居年來沙積水壅阡陌或衝而為溪或壅而成路其為害田廬計已千畝有餘而墜墓之漫為平陸者又不知幾許矣余巡行其地破積習而力禁之此亦不可秘之為己善而不為後之守土者告也洪惟

國家爲民興利復古不遺遠邇若括之通濟堰久廢不治既准有司所請動公項而復修及麗之濟川浮橋舊志雖存其名而陳跡久沒及余守土後爲之重建焉使不著其利則後之人有莫知其害而思必去之矣余惟數事有關於括匪細常欲續入郡志而未果今年春幸政有餘閒屬十邑之令長博士各編次其邑之所宜載者而以總輯任之教授朱肇濟訓導周雯徐長泰余復加綜覈之閱十月而書成其間學士大夫登眺遊覽之作摭志寓意之文人有專集不敢多收止錄昔賢之最傳誦者以著其概而於形勢土田之關民生利害者務

處州府志

卷首

曹序

三

詳述之冀無負於續輯之名與實也今

天子方命詞臣纂修一統志又

諭直省各輯其志兩浙亦既有成書矣余復爲是續輯者良以省志貴於簡覈郡志不厭精詳譬之經以載其綱而傳以述其目則余之是志殆首爲全浙志之傳云爾時雍正十一年歲次癸丑桂月中浣

括郡志前所創修湮沒無存惟成化壬寅郡侯肥鄉郭公命學博劉宜編輯頗悉萬歷己卯新昌熊公承學憲檄敦請先達賓巖何公總裁修輯徵郡邑諸生三十餘人開館編摩分類校正匪歲始成彙紀登卯宣城許公又屬鄉紳羅陽葉公增補缺遺謂之續志今惟彙記續志尙度郡閣而前郭公舊志漫滅莫考矣壬申郡守滇南朱公以長才規遠略甫下車值融肆虐馮夷迭災拮据拊循焦勞備極已乃搜郡乘慨自癸卯迄今又三十餘載天道以三十年爲一世其間建置沿革吏治民生

處州府志 卷首 王序

生芳規懿行不無可紀若復缺焉不修前此者不益淪落後此者保無遺忘乎乃商諸郡丞激浦舒公司理平樂王公以余廢棄山居無所事事儼然造廬屬以編修余謝不敏辭不獲已因請於公或續爲一編以附貂尾公以統修合刻始成全書先期檄十邑令長廣文哀集應修志書類報會輯屆期瞻幃北上而諸邑之報亦復參差甲戌觀回守道溫陵諸葛公督成前志彙紀校輯多人猝難招集僅命二三生參陪分較又以督學按郡隆冬暑短剗工稀至乙亥之夏乃克竣事參之舊志邑各一編似無統緒不若彙紀類聚支分乃成郡體彙

紀建置次舍武職闕如續志補輯雖宜蕪穢當汰今刻較彙紀稍備於續志微嚴焉大抵輿地山川等類準之舊籍官師治行澤在人心自不能忘惟往哲掄揚先美人各有心並以哲名似無分別且立德立功立言自昔志之故或以幽潛或以仕顯或以德重或以文名有兼收無溢美要如蒼松翠柏異卉奇花點綴巖阿邱壑間擷采無遺第恐耳目未逮也若復鋪敘過情阿徇抄實無論見者腹誹亦恐當者索照眩真必且爽然自失如盧橘黃甘非上林所有卽烏有先生奚取本來面目乎故其銓次悉聽各邑之報章其分類按之事實之肖似

處州府志 卷首 王序

余不佞何敢參私臆謬刻畫焉乃志成竊有感於今昔之際也幅員如故而水火迭遭災傷屢告則陵谷之變遷倏易土田如故而登耗無常徵輸倍並則流移之逋負滋多版籍學校如故而資生無策振作無機則生齒之盈縮進取之興替不無遷改水火旱潦天制之徵輸緩亟上操之至於策勤振惰興人事而挽天功則固入自爲政也反災爲祥是所祈於天寬輸保赤是所籲於上力作興起又非所望於吾儕自爲振奮哉是役也修校鐫刻工費盡出於郡守朱公之捐貲不動官民半縑亦不假十邑津助公造河橋葺城堡賑卹災黎費既不

賢士民共戴其恩茲舉且以一歲規千秋之業其垂惠
我栝更悠且久矣而司理王公之同心共濟厥功爲多
先郡丞舒公之先事協謀今郡丞臨川許公之力襄盛
舉聿觀厥成並宜書

處州府志

卷首 王序

三

萬歷續志序

明葉志淑

國必有志志國事也卽史記之遺規信今而傳後者也
是故君子恆究心焉若稽諸古王國志於尙書侯國志
於麟經志莫尙於是矣周官職方氏掌天下輿圖而周
知其利害然後隨所施而咸宜鄧侯入關收秦圖籍以
是知天下阨塞強弱佐漢高成帝業而居元功之首志
之有當於用也如此哉處州當古侯國漢唐以來爲縣
不一沿革靡常或隸會稽或隸臨海諸事多附於郡無
專志也宋元而下如紹興之圖經乾道之括蒼志皇慶
之續修又歷時之久其詳不可得聞矣明初混一區宇

處州府志 卷首 葉序

奄有萬方凡風俗山川典章人物與夫貢賦戎兵之屬
胥於志焉見之成化癸卯郡守肥鄉郭公爰命學官輯
爲郡志至萬歷己卯幾近百年新昌熊公承學憲之檄
敦請鄉達何賓嚴先生爲總裁又徵府學暨十邑諸生
三十四人分類校正凡八閱月而成卽所稱前志是也
迄於今且逾二紀其間建置事宜與仁賢芳規多有可
述者此而不志後能免遺忘乎宣城許公初以郡丞來
泄吾楛者八年車轍殆遍十邑於凡土俗民情利弊興
革靡不洞知因念文獻足徵斯考據有自府志之續是
誠不可緩者旣而晉秩守郡遂慨然曰續志茲其時乎

可以畢吾願矣於是急檄諸縣備悉具陳以予在前志

時曾與校修之列於科指爲習嫻乃以總修見屬余亦
勉承德意蒐采編摩別爲續志以附其後公更躬加詮
次歷三時而竣於事釐爲八卷裒爲兩帙續於前志之
末刻成度之郡閣以俟後之合修云抑余猶有說焉志
以乘名取記載也而觀感之機寓焉故觀題詠知山川
之形勝觀碑記見創建之規模觀陂堰橋渡之利民而
興飢溺之思觀坑冶徵稅之厲民而杜覺隙之漸觀治
行則守匹龔黃令媿卓魯而師可蘇湖矣觀往哲聞操
則士砥名節民端清麗而女慕貞潔矣至若觀武功則

處州府志 卷首 葉序

任干城之寄而底戡定之績者將代不乏人矣治隆於
上俗美於下實轉移化導之功其有裨於吾楛者非淺
鮮也豈徒取諸空籍已哉此太守公續志之深意予因
表而出之

余郡栝蒼自漢始元壁城回浦以來幾二千年所矣宋以前故無輯志往事蓋莫詳焉紹興間始為處州圖經嘉泰初郡人陳百朋始為栝蒼志至勝國皇慶凡再修輯皆湮沒無可考見惟成化壬寅郡侯肥鄉郭君會訓導劉宣編采頗悉刊度郡齋今所稱舊志是也然邑為一編冠以郡帙殊無當於倫類又自成化至今殆百餘年人文治典蓋闕如也於是關中喬公視學往來浙東西慨文獻之無徵上記大中丞府監察院檄行諸郡資禮其郡之鄉大夫與其雋士稽輯故實蒐羅遺佚以為

處州府志 卷首 何序

後事師鑒意蓋蒸蒸茂也乃以余郡十邑事見屬而郡守新昌熊君借諸邑令長協規盛美開館於夏四月分彙為紀邑以彙萃統之以郡以是經理凡八月已事而以命梓人明年春三月梓成余為序其所以序曰體國經野考形審勢聚米懸象以詔地事紀輿圖第一畫井分疆爰辨都鄙四隩是宅慎乃封守紀治制第二建正立武設參傳伍帥屬施法以典待治紀秩統第三星廬周列森森堂陛以治以教小人所視紀次舍第四承流宣化實惟師帥富之教之誠否攸賴表官師第五深山大澤龍蛇所藏雲蒸豹變觀國之光表選舉第六應運

宣猷砥承寵利帶礪河山爰及苗裔表封爵第七山鎮澤藪貨財是生亦有害利視厥裁成紀地理第八食土之毛用民之力受藏迫胥好用是式紀食貨第九絕天之明以質無疑執事有恪報德受釐紀禮祀第十地利人和用戒不虞守險豫圖孰敢侮子紀保圍第十一畏壘尸祝亦惟懷德宜民宜人成爲口實紀治行第十二雖無老成尙有典刑先民有作其則不遠紀往昔第十三惟民秉彝亦章婦順之死靡他天植其性紀闡操第十四匠心自得追琢爲章芹曝之美亦露其藏紀藝文第十五殷鑒不遠式遏亂畧滔滔江河折衝蟻穴紀大

處州府志 卷首 何序

事第十六茫茫堪輿何所不有六合之外存而不論紀雜事第十七勒成十五卷總之爲三十餘萬言題曰栝蒼彙紀以歸郡閣其所詮次梓戾以俟博物君子

處州府志總目

卷首

舊序 纂修銜名 凡例 輿圖

卷一

封域志上

星野 疆域 沿革 形勝

卷二

封域志中

山川一

卷三

處州府志 卷首 總目

封域志下

山川二

卷四

水利志

卷五

建置志上

城池街市附 公廨

卷六

建置志下

橋渡路亭附 倉廩倉庫附 坊表

卷七

學校志書院學田附

卷八

祠祀志

卷九

古蹟志

名勝 寺觀 冢墓表附

卷十

賦役志上

田賦

處州府志 卷首 總目

卷十一

賦役志下

田賦二

卷十二

武備志

兵制 戎事

卷十三

職官志上

文職一

卷十四

職官志中

文職二

卷十五

職官志下

文職三 武職

卷十六

選舉志上

薦辟奏名附

進士 舉人

卷十七

選舉志下

處州府志 卷首 總目

貢生 武科

卷十八

人物志上

經濟

卷十九

人物志上

理學 忠義殉難附

卷二十

人物志中

孝友 篤行

卷二十一

人物志中

文苑 隱逸 藝術 流寓 方外

卷二十二

人物志下

列女一

卷二十三

人物志下

列女二殉難附

卷二十四

處州府志 卷首 總目

風土志

風俗 土產

卷二十五

祥異志災賑附

卷二十六

藝文志上

書目 金石

卷二十七

藝文志中

文編一

三

四

docsriver 文川网
入驻商家 古籍书城

在文川网搜索古籍书城 获取更多电子书

卷二十八

藝文志中

文編二

卷二十九

藝文志中

文編三

卷三十

藝文志下

詩篇

卷末

處州府志

卷首

總目

雜志

五

處州府志卷首

纂脩街名

督脩

二品銜分巡溫處海防兵備道儀徵方鼎銳

主脩

鹽運使銜處州府知府卓異侯陞元和潘紹詒

同脩

處州府總捕同知長白雙全

提調

同知銜麗水縣知縣調補平湖縣黃平彭潤章

處州府志卷首纂脩街名

處州府學教授前內閣中書嘉興王寶善

協脩

同知銜署青田縣知縣井研雷銑

同知銜縉雲縣知縣大興何乃容

同知銜松陽縣知縣調補德清縣丹徒支恆春

同知銜遂昌縣知縣鳳山張維垣

同知銜龍泉縣知縣新興顧國詔

同知銜慶元縣知縣永福林步瀛

同知銜雲和縣知縣歙縣洪承棟

運同銜宣平縣知縣調補山陰縣武陵趙篤恩

同知銜前景甯縣知縣靈川周杰

總纂

知州銜遂昌縣教諭保題候陞秀水周榮椿

同纂

署餘姚縣教諭試用訓導麗水王宗訓

歲貢 生宜興潘宅仁

分纂

兼司總校歲貢 生麗水鄭以德

恩貢 生麗水季培

總理

處州府志卷首纂脩街名

青田縣教諭海甯鄒柏森

翰林院待詔 銜麗水潘呈材

總校

庠 生遂昌華殿賓

採訪

處州府學訓導山陰馬錫康

麗水縣教諭義烏湯方震

麗水縣訓導仁和張侃

五品銜青田縣訓導遂安姚永揚

署縉雲縣教諭嵛縣喻坤

前縉雲縣訓導鄞縣張秉淮

松陽縣教諭卓異候陞仁和樊芝生

署松陽縣訓導鎮海王慶華

遂昌縣訓導蕭山單恩溥

龍泉縣教諭兼理景甯縣教諭金華程炳藻

龍泉縣訓導錢塘戴穗孫

內閣中書銜慶元縣教諭蕭山韓錦濤

署慶元縣訓導烏程高鳳藻

雲和縣教諭會稽任陞

雲和縣訓導太平陳瑩

處州府志 卷首 纂修銜名 三

宣平縣教諭鎮海向樹南

宣平縣訓導會稽王耿光

景甯縣訓導歸安張維翰

分繕

職 員麗水譚克晟

庠 生青田孫雲

督梓

提舉銜前署經 歷吳縣錢錫庚

五品銜署經 歷崑山王錫綬

處州府志凡例

括蒼郡志創始於宋嘉泰初郡人陳百朋至前明成化癸卯郡守肥鄉郭君編輯之萬曆己卯蔣紳何賓繼輯括蒼集紀癸卯宣城許君守郡屬郡紳葉君志淑增訂之謂之續志崇貞乙亥郡守滇南朱君屬郡紳王君一中統修合刻即浙江通志所引之崇貞志也

國朝康熙庚午劉在園郡守復有續編至雍正癸丑黃平曹炳庵守郡踵修之稱諸志散佚惟崇貞志尙有全帙劉君續編起順治初年止康熙二十八年

處州府志 卷首 凡例

前志皆畧而不載閱者有不相聯屬之憾茲刻以崇貞志為本云迄今百四十餘年又經兵燹集紀崇貞志劉君續編已不可得惟曹志僅存而繁瑣割裂疎舛複查各邑修志時每以為口實殊難步武但羣籍散佚事賴以傳藉資去取是以事仍其舊而文及其蕪雍正以前參攷通志乾隆以後取裁各邑新舊志並博采旁諮分門編次他時續修通志或亦土壤細流之助列凡例如左

一曹本分列十四志分目一百十二繁瑣殊甚是編刪節歸併列志十四附以雜志分目四十有四舊志之

蕪雜者芟蕪之疎舛者訂證之網羅百四十年故實以增益之依類編次歸於簡約悉照志乘通例未敢割截糾紛矜奇立異

一疆域四至道里遠近本無變更而舊志與各邑志亦間有參差良由山嶺叢雜途有通險徑有改闢但循舊文便多歧誤茲悉心考覈詳加諮訪重為釐正

一志乘首列星野均主吳越斗牛恆星不移之說但列宿麗天東行隨天西轉七十二年差一度是以月令中星與堯典不合如房宿次卯今次寅庚宿次戌今次酉矣非竟不移也惟人數十年不見其移即以不

處州府志 卷首 凡例

移相沿說耳以厚重不遷之地統以健行不息之天證以麗天東行之宿謂某郡縣入某宿若干分析及微渺援古例今而不知今於漢志分野猶月令之於堯典也爰刪圖存說埃精於推步者

一舊志不詳水利第於建置門載塘堰大概語焉不詳惟山鄉水勢迅疾易旱易澇全資蓄洩得宜凡前人規始之規及因時變通之制均宜詳載因另輯水利志記載攸關休戚所係不嫌詳密也

一兵燹後壇廟解宇均遭燬損近十餘年次第興復殊費經營爰於建置志詳載修建年月銜名至坊表有

官建民建之分倉廩有官倉義倉之別茲從舊志仍入建置育嬰養濟均係官建公所惠養黎元與義倉事同一律因附列倉儲後

一郡縣各書院准通志例附入學校舊志於已廢各書院入古蹟茲攷各書院有久廢重修舊址重建更易院名並有遷建他處仍舊名者茲概列學校凡古蹟所載已廢者仍存其舊以備稽攷

一舊志古蹟入封城寺觀塚墓入建置按通志凡例古治古城非現在基址者應入古蹟園亭第宅各以類從茲以園亭第宅入古蹟以名勝樓之古城舊治分

處州府志 卷首 凡例

三

見於城池公廨寺觀塚墓各縣志多有入古蹟者從之漏澤義阡附塚墓後從其類也

一祠祀志首列載在祀典者次列民間崇奉已久水旱祈禱靈跡顯著者並詳其修建廢典其餘祠廟附寺觀後若鄉村社廟雖有舉莫廢而難以遍稽不能盡載

一賦役自有常經額徵定有利則舊志所載今昔不同茲覈各縣現在實徵銀米科則詳晰勾稽按款備載並載舊志所列原額於前凡久經裁併各款概行刪節徵解支給縷晰條分未敢以文辭相尚希蹤古雅

但期現行官事繙閱瞭然不惟其文惟其實也

一處州兵制屢更舊志所載鎮營城守防汛衛所分類瑣記另有紀兵一門茲併輯武備志載兵制與戎事雍正以前悉照舊志同治八年減兵增餉卽照鎮中營移送冊報備細臚列以昭核實咸豐間粵匪蹂躪情形則據各縣新志及採訪各冊詳載

一職官列表志乘通例然必世次可稽庶幾先後不紊舊志元明以前已不能備載距今一百四十餘年又更兵燹典籍淪亡吏牘散失遺者不能舉其名近亦難考其里居任卸而於府職爲尤甚強爲列表不免

處州府志 卷首 凡例

四

陵職失次關失銜名轉非核實徵信之義因照舊志分行登載凡治績昭著及効忠殉難者各級事實小傳不另標循良宦績名目武職功績可紀者亦如之一舊志選舉有奏名徵辟監生封蔭茲以薦辟進士舉人貢生武科分列五日贊郎例監概不濫登凡由他途登仕版者事績可紀則於人物列傳以表之不致湮沒無聞

一人物舊志分目過多首列名世論者譏其杜撰甚至勳烈經濟妄爲區別篤行清正亦判畛畦忠義之外有尙義隱逸之外有隱德瑣碎割裂殊乖大雅茲量

爲歸併人存其名而詞刪其冗益以百餘年各縣志
所載及採訪錄報者殉難紳士兵民有傳者列忠義
無傳者亦錄其名附忠義後殉難婦女亦分別有傳
無傳附列女後節婦毋論已旌未旌一併登載現存
而年未合例者未便遽登

一舊志人物列入葉夢得葉味道葉適真德秀之四人
者皆非括產各引史傳附案辨證至松陽縣志列女
誤以孫吳時柳朱爲朱育女與濮陽典同作趙宋時
人已爲疎舛若慶元縣志列王應麟於人物選舉復
載明知縣董大本爲建進士坊是不知南宋之有慶

處州府志 卷首 凡例

五

元府矣祇知附會里居而於其家世科爵學業事功
則懵焉不知畧而不載作志者任意夸飾修志者蹈
說襲謬不免攀附貽誚舊志不載附論及之

一志乘之有藝文文以事傳非事以文傳也舊志藝文
雜轉備體詩分古律絕句及時人酬唱之作而於
前者撰著碑碣摩崖概置不錄茲准通志例凡無關
吏治民生山川風土者雖麗製鴻篇亦不採因首列
書目次金石次文詩已附各門者不重載

一編取裁通志不用舊志體例因也而等於創惟網
羅散佚於風霜兵燹之餘十邑典章百餘年文獻蒼


萃而增輯之益以殉難官紳士民男婦事實姓氏是
以事增於前不能文省於舊兼以偏僻山城藏書甚
渺三易藁而成書十閱月而竣事迫於時日固於見
聞不特集遺補闕尙有待於後來抑且糾繆訂訛深
有望於博雅



處州府志 卷首 凡例



六



興 圖

興州府志











皇朝子三



明帝廟圖

皇朝子三

府城隍廟圖




皇朝子三

麗水縣境全圖





好溪東北溪圖




docsriver 文川网
入驻商家 古籍书城

在文川网搜索古籍书城 获取更多电子书



緡雲縣境全圖



松陽縣境全圖

